

progenitorum aliquas cartas patentes literas infeofamenta donationes aut diplomata concesserunt cuius subdito nostro cujuscunque qualitatis aut gradus cuius societati aut communitati tales colonias in quascunque partes extraneas deducenti aut terras extraneas investiganti in adeo libera at ampla forma sicuti eadem in hac praesenti carta nostra insereretur Facimus etiam constituimus et ordinamus dictum Dominum Willelmum Alexander haeredes suos aut assignatos vel eorum deputatos nostros HEREDITARIOS LOCUMTENENTES GENERALES ad representandum nostram personam regalem tam per mare quam per terram in regionibus maris oris ac finibus praedictis in petendo dictas terras quamdiu illic manserit ac redeundo ab eisdem ad gubernandum regendum et puniendum omnes nostros subditos quos ad dictas terras ire aut easdem inhabitare contigerit aut qui negotiationem cum eisdem suscipient vel in eisdem locis remanebunt ac eisdem ignoscendum et ad stabiliendum tales leges statuta constitutiones directiones instructiones formas gubernandi et magistratum ceremonias infra dictas bondas sicut ipsi Domino Willelmo Alexander aut ejus praedictis ad gubernationem dictae regionis et ejusdem incolarum in omnibus causis tam criminalibus quam civilibus visum fuerit et easdem leges regimina formas et ceremonias alterandum et mutandum quoties sibi vel suis praedictis pro bono et commodo dictae regionis placuerit ita ut dictae leges tam legibus hujus regni nostri Scotiae quam fieri possunt sint concordēs Volumus etiam ut in casu rebellionis aut seditionis legibus utatur militaribus adversus delinquentes vel imperio ipsius sese subtrahentes adeo libere sicuti aliquis locumtenens cujusvis regni nostri vel domini virtute officii locumtenentis habent vel habere possunt excludendo omnes alios officarios hujus regni nostri Scotiae terrestres vel maritimos qui in posterum aliquid juriselamei commoditatis auctoritatis aut interesse in et ad dictas terras aut provinciam praedictam vel aliquam inibi jurisdictionem virtute alicujus praecedentis dispositionis aut diplomatis praetendere possunt Et ut viris honesto loco natis sese ad expeditionem istam subeundam et ad coloniae plantationem in dictis terris addatur animus nos pro nobis nostrisque haeredibus et successoribus cum avasamento et consensu praedicto virtute praesentis cartae nostrae damus et concedimus liberam et plenariam potestatem praefato Domino Willelmo Alexander suisque praedictis conferendi favores privilegia munia et honores in demerentes cum plenaria potestate eisdem aut eorum alicui quos cum ipso Domino Willelmo suisque praedictis pactiones vel contractus facere pro eisdem terris contigerit sub subscriptione sua vel suorum praedictorum et sigillo infra mentionato aliquam portionem vel portiones dictarum terrarum portuum navium stationum fluviorum aut praemissorum alicujus partis disponendi et extradonandi erigendi etiam omnium generum machinas artes facultates vel scientias aut easdem exercendi in toto vel in parte sicuti ei pro bono ipsorum visum fuerit Dandi etiam concedendi et attribuendi talia officia titulos jura et potestates constituendi et designandi tales capitaneos officarios balivos gubernatores clericos omnesque alios regalitatis baroniae et burgi officarios aliosque ministros pro administratione justitiae infra bondas dictarum terrarum aut in via dum terras istas petunt per mare et ab eisdem redeunt sicuti ei necessarium videbitur secundum qualitates condiciones et personarum merita quos in aliqua colonialiarum dictae provinciae aut aliqua ejusdem parte habitare contigerit aut qui ipsorum bona vel fortunas pro commodo et incremento ejusdem periculo committent et eosdem ab officio removendi alterandi et mutandi prout ei suisque praescriptis expediens videbitur Et cum hujusmodi conatus non sine magno labore et sumptibus flunt magnamque pecuniae largitionem requirant adeo ut privati cujusvis fortunae excedant et multorum suppetiis indigeant ob quam causam praefatus Dominus Willelmus Alexander suisque praescripti cum diversis nostris subditis aliisque pro particularibus periculationibus et susceptionibus ibidem qui forte cum eo suisque haeredibus assignatis vel deputatis pro terris piscationibus mercimoniis aut populi transportatione cum ipsorum pecoribus rebus et bonis versus dictam Novam Scotiam contractus inibunt volumus ut quicumque tales contractus cum dicto Domino Willelmo suisque praescriptis sub ipsorum subscrip-